

## **Disoccupai; Obligaziun d'encurir lavur 3 meins ordavon**

Tenor instrucziun dil secretariat da stadi per l'economia (SECO), ei mintga persuna ch'enquera lavur obligada d'encurir lavur avon il dretg da far pretensiuns da schurnada. Quella obligaziun vala cunzun duront il temps dalla visada da piazza e tier contracts limittai **silmeins els davos 3 meins**.

**Administraziun communal Breil**

## **Informaziuns per possessurs da tgauns e per persunas, che han el senn d'acquistar igl emprem tgaun:**

**Nus supplichein da risguardar ils suandonts puncts:**

### **Facultativ (dapi ils 01-01-2017):**

#### **1. Possessurs novs:**

Ei dat la pusseivladad da far in cuors teoretic (SKN) (fuss bien da frequentar avon che acquistar il tgaun).

Pusseivladads en vischinonza: „Fludog“ Mustér [www.fludog.ch](http://www.fludog.ch)

#### **2. Medemamein dat ei era la pusseivladad da far in cuors practic (SKN) ensemen cul tgaun. Il cuors practic (SKN) sa vegnir frequentaus cun mintga tgaun che Vus acquisteis da niev.**

Pusseivladads en vischinonza: „Fludog“ Mustér [www.fludog.ch](http://www.fludog.ch)

## **Obligatic:**

### **Possessurs novs:**

#### **1. Vus stueis vegnir persunalmein vid il spurtegl:**

L'administraziun communal fa in account ella banca da datas **AMICUS**, las datas d'access obtenis Vus per posta.

### **Tuts:**

#### **2a Tgauns digl exteriur:**

Importeis Vus il tgaun digl exteriur? Lu stueis Vus ir cul tgaun enteifer 10 dis tier in veterinari dalla Svizra. Tal attribuescha il tgaun a Vus via AMICUS.

#### **2b Tgauns dalla Svizra:**

Ha il tgaun gia in chip? Igl anteriur possessur sto surdar il tgaun via AMICUS al niev possessur. Per saver far quei, basegna el la schinumada „Personen ID“ dil successur. Silsunter saveis Vus registrar sut AMICUS ed acceptar il tgaun sin Vies conto (*quei sa era vegnir fatg entras il veterinari*).

- 2c** Ha il tgaun aunc buca in chip? Lu stueis Vus ir cul tgaun tiel veterinari. Tal vegn ad implentar il chip, registrar il tgaun sut AMICUS ed attribuir el a Vus.
- 3.** Suenten haver acquistau il tgaun stueis Vus aunc inaga vegnir vid il spurtegl (**enteifer 15 dis**) e pagar la taglia digl onn actual (pro rata).
- 4.** Igl onn proxim retschevis Vus il quen cun la taglia annuala. Naven digl onn 2016 dat ei neginas marcas da tgauns pli. L'identificaziun vegn garantida cul schinumnu «Microchip».
- 5.** Vus essas responsabels ch'ils suandonts cass vegnan tschaffai ella banca da datas **AMICUS** (era pusseivel entras il veterinari):
- Surdada ed acquisiziun
  - Mortori
  - Export dil tgaun egl exteriur

**Administraziun communal Breil**

## **ADATG!**

### **Castitgs en connex cun la taxa turistica:**

### **Obligaziun d'informaziun entras ils locaturs!!**

Tgi che lai vi habitaziuns ni combras senza informar la vischnaunca cul formular "annunzia locaziun da habitaziuns e combras" sto quintar cun in castitg!

Il medem vala era per tut las midadas ch'ei da far cul "formular da mutaziun midada da locatari ni utilisaziun dalla habitaziun"

Mo locaturs che han declarau sin vischnaunca che la habitaziun ni combra vegn schada vi mo a turists ston buca dar atras las midadas, mo sch'ei setracta buca pli da turists ni sch'ei dat ina midada d'utilisaziun.

Nus supplichein da prender enconuschientscha e stein per damondas bugen a disposiziun.

**Administraziun communal Breil**